

文淵閣四庫全書

欽定歷代職官表

鎮國將軍輔國將軍國將軍奉國將軍恩將軍

欽定四庫全書

公國輔分入不公國鎮分入不公國輔公國鎮

縣 鄉 鎮

縣 鄉 鎮

二 事 鄉 總

伯侯公

男子伯侯公

侯公

男子伯侯公

子侯公

4

—

郡國

男子伯侯-聯姓國

25

20

將軍 將軍 將軍 將軍 將軍

鎮國將軍 輔國將軍 奉國將軍 鎮國將軍 輔國將軍 奉國將軍 鎮國將軍 輔國將軍 奉國將軍

顯祖宣皇帝本支為宗室伯叔兄弟之支為覺羅宗室東

欽定四庫全書

欽定歷代職官表
卷六十四

500

天演宗派以

宗室封爵十有四等一和碩親王二世子三多羅郡王
四長子五多羅貝勒六固山貝子七鎮國公八輔國公
九不入八分鎮國公十不入八分輔國公十一鎮國將
軍十二輔國將軍十三奉國將軍十四奉恩將軍

宗室封爵

國朝

金黃帶覺羅束紅帶諸王授封以素行為封號和碩親王親王世子皆金寶龜紐多羅郡王飾金銀印麒麟紐

皇子生十五歲由宗人府請封其爵級出自

欽定親王郡王適福晉所生子二十歲後由宗人府請

考試親王適子奉

特旨始封世子其未封世子者與餘子同授封爵餘子

考授不入八分公

天命年間立八和碩貝勒共議國政各置官屬凡朝會燕饗皆

異其禮 賜賚必均 及是為八分其有功加郡
至貝子准入八分如有過降至公仍不入八分

王適子奉

特旨始封長子其未封長子者亦與餘子同授封爵餘
子考授一等鎮國將軍貝子勒適子降襲貝子餘子
考授二等鎮國將軍貝子適子降襲鎮國公餘子
考授三等鎮國將軍鎮國公適子降襲輔國公餘
子考授一等輔國將軍輔國公適子世襲餘子考
授二等輔國將軍不入八分鎮國公適子降襲不
入八分輔國公不入八分輔國公適子降襲三等
鎮國將軍餘子均考授三等輔國將軍一二三等
鎮國將軍適子各降襲一二三等輔國將軍餘子
均考授三等輔國將軍一二三等輔國將軍適子
各降襲一二三等奉國將軍餘子均考授三等奉
國將軍一二三等奉國將軍適子均降襲奉恩將
軍餘子均考授奉恩將軍其奉恩將軍既無可降
之品級將奉恩將軍適妻所生子但准一子考試

欽定四庫全書

欽定歷代職官表

卷六十四

四

承襲奉恩將軍餘子停封為閒散宗室酌量人才

優者奏請考試准食雲騎尉俸凡王爵由軍功得
者世襲罔替由恩封者以次遞降以功加封者自
奉恩將軍遞加一等至和碩親王親王有功酌賞
金銀其以過降封者自和碩親王遞降一等至奉
恩將軍無可降則為閒散宗室康熙二十七年定
考試法王貝勒以下至奉恩將軍之子應授封者
考試國語及馬步射優者封應得之爵平者降一
等劣者降二等封授乾隆八年定親王側福晉子
考授二等鎮國將軍郡王側福晉子考授三等鎮
國將軍貝勒側室子考授一等輔國將軍貝子側
室子考授二等輔國將軍鎮國公側室子考授三
等輔國將軍輔國公側室子考授一等奉國將軍
親王妾媵子考授三等輔國將軍郡王妾媵子考
授三等奉國將軍貝勒貝子妾媵子均考授奉恩
將軍其餘妾婢所生子為閒散宗室不授封十一

欽定四庫全書

欽定歷代職官表

卷六十四

五

年定考試法其學業平庸者降等封授奉恩將軍
無級可降如考試降等仍授奉恩將軍停俸三年
又定世子之適子

恩封不入八分公如未

恩封與餘子同授封爵餘子考授一等鎮國將軍側福
晉子考授三等鎮國將軍妾媵子考授三等奉國
將軍長子之適子

恩封一等鎮國將軍如未

欽定四庫全書

欽定歷代職官表
卷六十四

六

恩封亦與餘子同授封爵餘子考授二等鎮國將軍側
福晉子考授一等輔國將軍妾媵子考授奉恩將
軍三十九年又定親王世爵遞降之法親王遞降
至鎮國公郡王遞降至輔國公貝勒遞降至未入
八分鎮國公貝子遞降至未入八分輔國公鎮國
公遞降至一等鎮國將軍輔國公遞降至一等輔
國將軍俱世襲罔替四十七年奉

旨王貝勒貝子公之子嗣及宗室年已及歲者俱照蒙

古王公台吉塔布囊之例分別給與三四品頂帶
歷代建置

謹案自三代盛王莫不封建宗室以為藩屏後
世分王子弟法制相沿為建國之首務然或泥
于古而不知裁制或襲其名而徒事虛文流弊
不同而其失均也漢鑒秦孤立之弊封樹子弟
裂土分茅諸侯王大者至據名城數十尾大不
掉遂啟七國之變晉代懲魏之失分封諸王各

欽定四庫全書

欽定歷代職官表
卷六十四

七

予國兵跨州連郡其後八王構亂骨肉相殘至
傾國祚明太祖不鑒前轍封諸子於外皆在沿
邊險要之地厚給護衛以致燕王生心奪嫡甫
一傳而變起蕭牆其失在於封植太過漢景帝
始謀弱諸侯王減削其官武帝從主父偃之謀
令王國分邑以侯子弟作左官之律設附益之
條諸侯惟得衣租食稅不與政事光武中興無
變前制魏文猜防諸弟雖有王侯之號不得比

於匹夫南北朝諸王皆在京師其出典方鎮者率受制於籤帥至衣食不得自主唐代諸王有授節度大使兵馬元帥者亦僅屬虛名諸嗣王雖襲舊封授官僅得別駕司馬而中葉以後諸王多不出閭宋氏爵不世襲恩無旁推諸王子孫再傳僅得三班奉職已同凡庶明自永樂以後各王府雖列置諸州禁防至嚴督撫以及府縣官皆得緣事侵刻其失又在于禁約太甚要

欽定四庫全書

欽定歷代職官表
卷六十四

皆泥於封建之說而無以善處之故于睦族敦本之道皆未有能得其中者我

朝繇繼瓜之緒篤行葦之仁封爵世及列邸京師而肅勲親親並行不悖仁至義盡實為曠古之所未有考宗室王公封爵雖與官制不同而列代史志及杜氏通典皆系之職官一門今從其體例詳加詮次由今溯古庶于往代展親厚薄之殊得以考鏡得失益以見

國家敦敘宗支興仁迪教度越前代所由以廣一世仁讓之風而鞏億載磐石之固也

三代

史記禹本紀禹為姁姓其後分封用國為姓故有夏后氏有扈氏有男氏斟尋氏彤城氏褒氏費氏杞氏鄆氏辛氏冥氏斟氏戈氏殷本紀殷為子姓其後分封以國為姓有殷氏來氏宋氏空桐氏稚

氏北殷氏

司馬貞索隱系本作鬯氏又有時氏蕭氏黎氏然北殷氏蓋秦寧公所伐毫王

欽定四庫全書

欽定歷代職官表
卷六十四

湯之後也目夷氏

春秋左氏僖公五年傳宮之奇曰太伯虞仲太王之昭也號仲號叔王季之穆也僖公二十四年傳管蔡邠霍魯衛毛聃邠雍曹滕畢原鄆邠文之昭也邠晉應韓武之穆也凡蔣邢茅胙祭周公之胤也襄公二十九年傳叔侯曰虞號焦滑霍揚韓魏皆姬姓也昭公二十六年傳王子朝曰武王成康並建母弟以蕃屏周亦曰吾無專享文武之功昭公

二十八年傳昔武王克商光有天下其兄弟之國者十有五人姬姓之國者四十人皆舉親也

荀子儒效篇周公立七十一國姬姓獨居五十三周之子孫苟不狂惑者莫不為天下之顯諸侯

史記漢興以來諸侯年表周封五等公侯伯子男然封伯禽康叔於魯衛地各四百里親親之意褒有德也太公子齊燕五侯地尊勤勞也武王成康所封數伯而同姓五十五地上不過百里下三十

欽定四庫全書

欽定歷代職官表
卷六十四

里以輔衛王室

謹案周同姓之封最廣左氏云姬姓四十人荀子儒效篇稱周公立七十一國姬姓獨五十三人焉史記謂同姓五十五國殆武王克商其始受國者止四十人而周公成康俱有所增益歟三代之時天子之號為王而子弟之封者為侯秦漢以後天子之號為帝而子弟之封者為王杜佑通典云漢爵二等曰王曰侯王子而封為

王者實古之諸侯也故謂之諸侯王然則三代

之諸侯與今之王雖爵名不同而實則一也故表於三代首列諸侯以當今之親王云

周禮地官載師以家邑之田任稍地以小都之田任縣地以大都之田任疆地鄭康成注家邑大夫之采地小都卿之采地大都公之采地王子弟所食邑也賈公彥疏春秋之義言弟者皆王之同母弟則母弟與王之庶子與公同食百里地在疆稍

欽定四庫全書

欽定歷代職官表
卷六十四

疏者與卿同食五十里地在縣又疏者與大夫同食二十五里在稍

禮記王制孔穎達疏王之子弟有同母異母有親疏之異親寵者封之與三公同平常者與六卿同疏遠者與大夫同

謹案周初分封同姓以為諸侯至後王子弟不得封于畿外而于畿內予之采地其制雖不可詳考而見于先儒之說者如此蓋周初諸侯皆

佐文武定天下者故封為列國使之傳世相襲
此即今日由軍功王者世襲罔替之義後王子
弟授采邑於畿內而以三等為隆殺之差此即
今日由恩封王者以次遞殺之義也

白虎通樂記曰武王克殷反商下車封夏后氏之
後於杞殷人之後於宋封王子比干之墓釋箕子
之囚天下太平乃封親屬者示不私也即不私封
之何普天之下莫非王土率土之濱莫非王臣海
內之衆已盡得使之不忍使親屬無短足之居一
人使封之親親之義也以尚書封康叔據平安也
王者始起諸父昆弟與已共財之義故可與共土
一說父不得封

秦

未置

史記秦始皇本紀二十六年秦初并天下丞相綰
等言諸侯初破燕齊荆地遠不為置王毋以鎮之
請立諸子始皇下其議羣臣羣臣皆以為便廷尉

欽定四庫全書

欽定歷代職官表
卷六十四

十三

李斯議曰周文武所封子弟同姓甚衆然後屬疏
遠相攻擊如仇讐周天子弗能禁止今海內賴陛
下神靈一統皆為郡縣諸子功臣以公賦稅重賞
賜之甚足易制天下無異意則安寧之術也置諸
侯不便始皇曰廷尉議是分天下以為三十六郡
郡置守尉監

謹案秦爵二十十九關內侯二十徹侯但以賞
有功而不以封同姓子弟其諸子自太子以外
或號為君如安國君是也或但稱公子如公子
將閭公子嬰是也

漢

荀悅漢紀高帝紀六年春正月丙午立劉賈為荆
王王五十三縣高帝兄弟四人長曰伯早卒追號
曰武哀侯封子信為刮羹侯次兄曰喜字仲立仲
為代王弟曰交從上征伐有功立交為楚王長庶
子肥為齊王王七十縣武帝紀元朔二年正月令

欽定四庫全書

欽定歷代職官表
卷六十四

十三

諸侯王得以邑土分子弟于是藩國子弟畢侯矣
平帝紀元始元年立故東平王雲太子開明為王
孫故桃鄉頃侯子成都為中山王封宣帝元孫信
三十六人為列侯自漢初至此王子侯者凡四百
八十人令諸侯王關內侯列侯無子有孫者若同
產子皆得為嗣

漢書諸侯王表漢興之初繼亡秦孤立之敗于是
割裂疆土尊王子弟大啟九國武帝施主父之策

欽定四庫全書

欽定歷代職官表
卷六十四

十五

下推恩之令使諸侯王得分戶邑自封子弟不行
黜陟而藩國自析自此以來皇子始立者大國不
過十餘城

蔡邕獨斷漢興以皇子封為王者得茅土其他功
臣及鄉亭他姓公侯各以其戶數租入為限不受
茅土亦不立社也漢制皇子封為王者其實古諸
侯也周末諸侯或稱王而漢天子自以皇帝為稱
故以王號加之總名諸侯王子弟封為侯者謂之

諸侯

西京雜記梁孝王入朝與上為家人之讌乃問王
諸子王頓首謝曰有五男即拜為列侯賜與衣裳
器服王薨又分梁國為五進五侯皆為王

三輔黃圖漢儀冊封諸王必於祖廟冊命之示不
敢專也

王應麟玉海高祖薨頃侯信等三人高后朱虛侯
章等三人孝文管共侯罷軍等十四人景帝平陸

欽定四庫全書

欽定歷代職官表
卷六十四

十五

侯禮等七人武帝一百七十八人元朔元年前十
三人茲侯明等至淮陵侯定國元朔二年後一百
六十五人梁共王子張梁侯仁一人菑川懿王子
龍邱侯代等十三人又諸王子元侯何等四人城
陽共王子雷侯絺一人東莞侯吉等十二人又頃
王子昌侯麥二十人趙敬肅王子尉文節侯丙等
十八人又六人不得封年中山靖王子廣望節侯
忠等二十人廣川惠王子蒲領侯嘉等四人又

又二人不得封年又繆王子井侯甘等二人河間
獻王子平城侯禮等十人又一人不得封年濟北
正王子安陽侯樂等七人又式王子四人代共王
子高石侯綰等九人齊孝王子博陽侯就等十人
又一人不得封年魯共王子寧陽節侯恬等五人
長沙定王子路陵侯童等十一人衡山王子一人
膠東康王子皇虞侯建等三人

謹案玉海此條蓋約漢書王子侯表云河間獻

欽定四庫全書

欽定歷代職官表
卷六十四

五

王子平城侯禮等十人又一人不得封年今考
表載河間獻王子自沈陽侯自為不得封年外
尚有茲侯明等十一人玉海云十人者誤又玉
海云濟北式王子四人今考表載五人四字亦
誤

後漢書百官志皇子封王其郡為國列侯所食縣
為侯國本注曰承秦爵二十等為徹侯金印紫綬
以賞有功大者食縣小者食鄉亭得臣其所食更

民後避武帝諱為列侯武帝元朔元年令諸王得
推恩分衆子土國家為封亦為列侯

謹案漢同姓封爵二等曰王曰侯而侯則有縣
侯鄉侯亭侯之別漢書王子侯表凡封侯而非
縣名皆鄉亭侯也高帝封植過制遂卒致叛亂
其後下推恩之令而支庶畢侯班固作王子侯
表稱其建業承序以廣親親考其實則藉以銷
其尾大之釁意不在乎展親也當時作左官之

欽定四庫全書

欽定歷代職官表
卷六十四

五

律設附益之條抑損減黜科禁日嚴夫始則縱
以驕奢繼則多其猜忌豈非立法之未善哉
漢書文帝本紀四年五月復諸劉有屬籍家無所
與元帝本紀初元元年夏四月賜宗室子有屬籍
者馬一匹至二駟成帝本紀建始元年二月賜宗
室有屬籍者錢帛各有差

謹案漢時宗室疏屬其推恩之令見于史者如
此特希闕一時之舉與今宗室月有養贍歲有

祿米其恩意之厚薄迥殊矣

後漢書光武帝本紀建武十三年二月丙辰詔曰
長沙王興真定王得河間王邵中山王茂皆襲爵
為王不應經義其以興為臨湘侯得為真定侯邵
為樂成侯茂為單父侯其宗室及絕國封侯者凡
一百三十七人丁巳降趙王良為趙公太原王章
為齊公魯王興為魯公○十五年封皇子輔為右
翊公英為楚公陽為東海公康為濟南公蒼為東

欽定四庫全書

欽定歷代職官表
卷六十四

平公為淮陽公荆為山陽公衡為臨淮公焉為左
翊公京為琅琊公十七年進右翊公輔為中山王
其餘九國公皆即舊封建爵為王

謹案兩漢宗室之封有王有侯惟建武十三年
降封趙等三國為公光武諸子初封亦為公而
同姓子弟無為王者至十七年諸子皆進爵為
王趙王良傳建武十三年降為趙公後薨子節
王相嗣至齊魯二王傳又不言降封蓋亦皆于

十七年進爵矣

後漢書孝明八王列傳彭城靖王恭永平九年賜
號靈壽王樂成靖王黨永平九年賜號重熹王章懷
注取其美名也東觀記
曰賜號未有國邑也

謹案漢諸王皆以郡為國惟後漢靈壽重熹二
王初皆以美名為王號其後乃建為國此後世
以美名為王號之始

欽定四庫全書

欽定歷代職官表
卷六十四

後漢書東平王蒼列傳永平十一年帝遣使手詔
賜國中傳曰今送列侯印十九枚諸王子年五歲
以上能趨拜者皆令帶之

後漢書孝順帝本紀永建元年正月甲寅詔宗室
以罪絕者皆復屬籍

洪适隸續中山相薛君成平侯劉君斷碑趙氏誤
以劉君為成平侯相詳其額初無相字此蓋王子
侯也西京列侯其傳國皆有世次東京枝葉既不
繁而史筆又簡畧其書于策者不過如東海王傳

云王弟二十二人皆為列侯爾

三國

三國蜀志二主妃子列傳劉永先主子後主庶弟章武元年六月立永為魯王建興八年改封甘陵王劉理亦後主庶弟章武元年六月封為梁王建興八年改為安平王

三國魏志文帝本紀黃初三年三月乙丑立齊公叡為平原王帝弟鄢陵公彰等十一人皆為王初

欽定四庫全書

欽定歷代職官表
卷六十四

制封王之庶子為鄉公嗣王之庶子為亭侯公之

庶子為亭伯

三國魏志武文世王公列傳魏世王公既徒有國土之名而無社稷之實又禁防壅隔同于園囿位號靡定大小歲易

魏文帝改封諸王為縣主詔先王建國隨時而制漢祖增秦所置郡至光武以天下損耗并省郡縣以今比之益不及焉其改封諸王皆為縣主

謹案曹魏猜防宗室裴松之謂公國徒有老兵百餘人以衛其國又設防輔監國之官以伺察之王侯皆思為布衣而不得則涼薄寡恩莫甚於此惟定庶子遞降之制為能監前代而得損益之宜故晉因之而不變焉

三國吳志吳主權列傳太和元年正月立故太子和為南陽王居長沙子奮為齊王居武昌子休為琅琊王居武林宗室列傳孫皎子允封丹陽侯孫

欽定四庫全書

欽定歷代職官表
卷六十四

與封沙羨侯孫資封都亭侯子隣進封都鄉侯孫翊子松為都鄉侯孫韶封建德侯孫楷臨城侯孫桓封丹徒侯

晉

杜佑通典晉亦有王公侯伯子男六等之封惟安平公享萬戶制度如魏諸王其餘縣公邑一千八百戶地方七十五里大國侯邑千六百戶地方七十里次國侯邑四千戶地方六十五里大國伯邑

千二百戶地方六十里次國伯邑千戶地方五十里大國子邑八百戶地方五十里次國子邑六百戶地方四十里男邑四百戶地方四十里武帝受禪之初封建子弟為王二十餘人以郡為國邑二萬戶為大國置上中下三軍兵五千人邑萬戶為次國置上軍下軍兵三千人邑五千戶為小國置一軍兵千五百人王不之國官於京罷五等之制咸寧三年詔徙諸王公皆歸國更制戶邑非皇子

欽定四庫全書

欽定歷代職官表
卷六十四

不得為王而諸王之支庶皆皇家之近屬至親亦各以土推恩受封其大國次國始封王之支子為公承封王之支子為侯繼承承封王之支子為伯小國始封王之支子及始封公侯之支子皆為男非此皆不得封大國始封之孫罷下軍曾孫又罷上軍次國始封子孫亦罷下軍其餘皆以一軍為常大國中軍二千人上下軍各千五百人次國上軍二千人下軍千人其未之國者大國置守土百人

次國八十人小國六十人郡侯縣公亦如小國冊府元龜西晉諸王皆主兵臨州以威勢相陵干戈並構墜于屠滅蓋有漸爾

謹案晉本紀泰始元年封王二十七人六年立皇子為王咸寧三年又立齊王子二人為王蓋鑒于魏之廢削宗室而侈廣其制如此當時許其自選官屬而王家人衣食御府別給之其寵異之者甚至不旋踵而諸王操戈相向以至亂亡劉宏傳所謂災難延于宗子自載籍以來骨肉之禍未有若此之甚者非獨惠帝不君威權下移實由封植太過權力相軋以釀其釁蓋矯慕封建之虛名未有不受其禍者也

宋齊梁陳

通典宋氏亦用晉制惟大小國皆有三軍凡王子為侯者食邑皆千戶
通典梁封爵亦如晉宋之制

欽定四庫全書

欽定歷代職官表
卷六十四

南史梁武帝諸子列傳昭明太子統長子東中郎將南徐州刺史華容公歡封豫章郡王次子枝江公譽封河東郡王曲江公譽封岳陽郡王

謹案通典謂宋封爵如晉制又謂梁如晉宋之制然晉時諸王支庶備有五等之封而宋梁自王以下見於史者惟王子侯而已此外惟梁時昭明太子諸王嘗封公而他未有聞焉

冊府元龜陳因梁制有親王嗣王藩王之制親王

欽定四庫全書

欽定四庫全書

起家則為侍中皇太子家嫡封王起家依諸王餘

子並封公起家中書郎諸王子并諸侯世子起家給事江左承西晉諸王開國並以戶數相差為大小三品陳自永安訖于禎明惟衡陽王昌特加至五千戶其餘不過二千小國至千戶

謹案宋齊二代猜忌骨肉諸王出鎮受制典籤梁武廢于前政優假諸子事力雄強然或坐視舊父之難或自購蕭牆之兵幾與西晉八王無

異考其立國實多慙德本實已搖徙欲廣樹屏藩終不足為維城之固而封建之無益亦可睹已

北魏

通典後魏道武皇始元年始封五等至天賜元年減五等之爵始分為四曰王公侯子除伯男之號皇子及異姓元功上勲者封王皇族及始藩王皆降為公諸公降為侯子亦比為差王封大郡公封

欽定四庫全書

欽定四庫全書

小郡侯封大縣子封小縣其後復加伯男焉

謹案魏時同姓之封自王侯以外見于史者如紇羅封上谷公悉封襄陽公元英賜爵廣武伯陵封襄邑子弼封廣川子比干封吉陽男之屬班班可見其封王者皆以嫡子繼襲其封公侯者在國初則為疎遠之族其後亦皆藩王之支庶大約與宋齊之制不殊但宋齊王子侯皆出于展親之恩而魏時宗室五等之封多出于酬

勲之典也

北齊

通典北齊有王公侯伯子男六等之爵王位列大司馬上非親王則在三公下封內之調盡以入臺三分食一公以下四分食一

謹案北齊同姓之封自王以外見于史者平秦王歸彥以功別封長樂郡公又有建國子伏護建國侯又若趙郡王琛初封南趙郡公清河王

欽定四庫全書

北齊書卷六十四

岳初封清河郡公及廣平公盛陽州公永樂則受封皆在魏世也

後周

周書明帝本紀武成元年正月封大將軍章武孝公導子亮為永昌公翼為西陽公九月進封輔成公邕為魯國公安成公憲為齊國公秦郡公直為衛國公正平公招為趙國公封皇弟儉為譙國公純為陳國公盛為越國公達為代國公通為冀國

公適為滕國公進封天水郡公廣為蔡國公武帝

本紀保定元年四月封孝閔皇帝子康為紀國公皇子贊為魯國公建德三年正月冊柱國齊國公憲衛國公直趙國公招譙國公儉陳國公純越國公盛代國公達滕國公適並進爵為王二月紀國公康畢國公賢鄴國公貞宋國公實漢國公贊秦國公贄曹國公允並進爵為王

欽定四庫全書

北齊書卷六十四

謹案後周初無王爵雖皇子止封公至建德三年而文帝以下諸子皆進爵為王惟疎遠者尚為公爵若同姓侯伯子男之封則未有見于史者宇文導初封饒陽縣伯其受封在魏世也

隋

通典隋開皇中制國王郡王國公郡公縣公侯伯子男凡九等至煬帝惟留王公侯三等餘並廢之皇伯叔昆弟皇子是為親王

謹案隋宗室封爵等差不見于史疑亦畧如晉

宋之制也

唐

通典大唐高祖初受禪廣封宗室從弟及姪年始
孩童者數十人皆封為郡王太宗即位問侍臣曰
徧封宗子于天下便乎尚書右僕射封德彝對曰
不便歷覽往古封王者今日最多兩漢以降惟封
帝子及親兄弟若宗室疎遠者非有大功並不得
濫叨名器所以別親疎也先朝敦睦九族一切封

欽定四庫全書

欽定四庫全書
卷六十四

王爵命既崇多給力役蓋以天下為私殊非至公
馭物之道也太宗然之于是率以屬疎降等惟有
功者數人得王餘並封縣公貞觀二年十二月始
議列土之制特進魏徵議曰自隋氏亂離百殃俱
起黎元塗炭十不存一始蒙聖帝數至仁以流元
澤沐春風而沾夏雨一朝棄之為諸侯之隸衆心
未定或致逃亡其未可一也既立諸侯當建社廟
禮樂文物儀衛左右頓闕則理必不安粗修則事

有未暇其未可二也大夫卿士咸資祿俸薄賦則

官府困窮厚歛則人不堪命其未可三也王畿千
里征稅不多至于貢賦所資在侯甸之外今並分
為國邑京師府藏必虛諸侯朝貢無所取給其未
可四也今燕秦趙代俱帶蕃夷黠羌旅拒匈奴未
滅追兵內地遠赴邊庭不堪其勞將有他變難安
易動悔或不追其未可五也十一年六月詔荆王
元景等二十一王為諸州都督刺史咸令子孫代

欽定四庫全書

欽定四庫全書
卷六十四

代承襲非有大故無或黜免其後並不願行乃止
後定制皇兄弟皇子為王皆封國謂之親王太子
男封郡王

新唐書荆王元景列傳貞觀十一年詔荊州都督
荆王元景梁州都督漢王元昌徐州都督徐王元
禮潞州都督韓王元嘉遂州都督彭王元則鄭州
刺史鄭王元懿絳州刺史霍王元軌虢州刺史虢
王元鳳豫州刺史道王元慶鄧州刺史鄧王元裕

壽州刺史舒王元明幽州都督燕王靈夔蘇州刺史許王元祥安州都督吳王恪相州都督魏王泰齊州都督齊王祐益州都督蜀王愔襄州刺史蔣王惲揚州都督越王正并州都督晉王治泰州都督紀王謹所任刺史并功臣令世襲會長孫無忌等固辭遂廢不行

劉肅大唐新語武德中以景命維新宗室猶少至三從弟姪皆封為王及太宗即位問羣臣曰遍封

欽定四庫全書

欽定四庫全書
卷六十四

宗子於天下便乎封德彝曰不便歷觀往古封王者當令最多兩漢以降唯封帝子及兄弟若宗室疎遠者非有大功如周之郇滕漢之賈澤並不得濫居名器所以別親疎也太宗曰朕為百姓理天下不欲勞百姓以養已之親也于是疎屬悉降爵為公

謹案唐初議復古封建或可或否人持一說蕭瑀直欲裂土而封李百藥則欲俟刑措之教一

行登封之禮云畢然後定疆理之制議山河之賞顏師古欲分置王國不得過大間以州縣錯雜而居馬周謂宜賦以茅土疇其戶邑必有行材隨器方授皆屬調停之見惟魏徵議以為非便其言可謂切中故節錄其文著于篇以見古法之不可泥也

新唐書太宗本紀貞觀十一年六月己未以諸王為世封刺史十三年二月庚子停世封刺史

欽定四庫全書

欽定四庫全書
卷六十四

謹案唐太宗以諸王為世封刺史未二年而罷則其事之難行太宗亦自知之矣至代宗時大臣奏議請封諸王分領戎帥以威天下此乃無其實而徒務其名非惟難以為屏翰亦不足鳩厥宗矣

冊府元龜唐制皇弟兄皆封國謂之親王王之子承嫡者謂之嗣王皇太子諸子並封郡王王子承恩澤者亦封郡王諸子封郡公其嗣王郡王特進